

**KJKP "RAD" d.o.o. SARAJEVO**

**-DIREKTOR-**

**Broj: 05-03-04- /20**

**Sarajevo, 20.07.2020. godine**

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, v.d. direktor donosi

### **ODLUKU**

**o usvajanju žalbe ponuđača i poništenju Odluke broj 05-03-04-11447/20 od 13.07.2020. godine**

#### **I**

Usvaja se žalba ponuđača "A.C.I." d.o.o. Sarajevo kao osnovana i poništava se Odluka broj 05-03-04-11447/20 od 13.07.2020. godine koja se odnosi na poništenje postupka nabavke usluga servisiranja vozila IVECO – LOT 3 i Obavještenja o nabavci broj 83-1-2-287-3-90/20 od 21.05.2020. godine u dijelu koji se odnosi na LOT 3.

#### **II**

Kao najpovoljniju ponudu ponuđača za nabavku usluga servisiranja vozila IVECO – LOT 3, odabiram ponudu ponuđača "A.C.I." d.o.o. Sarajevo.

### **OBRAZLOŽENJE**

KJKP "RAD" d.o.o. Sarajevo je dana 21.05.2020. godine na portalu javnih nabavki BiH objavilo Obavještenje o nabavci kroz otvoreni postupak sa objavom obavještenja za izbor najpovoljnijeg ponuđača za nabavku usluga servisa teretnih vozila, sa rokom dostave ponuda 08.06.2020. godine.

Po otvorenom postupku za nabavku usluga servisiranja vozila IVECO – LOT 3 pristigle su dvije (2) ponude, i to ponude ponuđača „A.C.I.“ d.o.o. Sarajevo i „SLT“ d.o.o. Zenica.

Komisija za nabavku u toku provođenja otvorenog postupka i nakon detaljnog pregleda dostavljene dokumentacije utvrdila da je ponuda ponuđača „SLT“ d.o.o. Zenica nepotpuna i neprihvatljiva te ista nije uzeta u dalje razmatranje.

Ponuda ponuđača „A.C.I.“ d.o.o. Sarajevo je od strane Komisije ocijenjena kao potpuna i prihvatljiva, te je Komisija dala prijedlog Ugovornom organu da ponudu prihvati kao potpuno prihvatljivu. U skladu sa prijedlogom Komisije, Ugovorni organ je donio Odluku broj 05-03-04-10304/20 dana 22.06.2020. godine, kojom kao najpovoljniju odabira ponudu ponuđača "A.C.I." d.o.o. Sarajevo.

Na Odluku broj i datum gornji, ponuđač "SLT" d.o.o. Banja Luka je dana 08.07.2020. godine izjavio žalbu. Nakon uvida u žalbene navode iz žalbe ponuđača "SLT" d.o.o. Zenica, Komisija je izvršila ponovni pregled ponude ponuđača "A.C.I." d.o.o. Sarajevo te utvrdila da je žalba djelomično osnovana te dala prijedlog Ugovornom organu da poništi postupak javne nabavke usluga servisiranja vozila IVECO – LOT 3 i Obavještenje broj 83-1-2-287-3-90/20 od 21.05.2020. godine u dijelu koji se odnosi na LOT 3, te da se postupak ponovno objavi.

U skladu sa prijedlogom Komisije, Ugovorni organ je donio Odluku broj 05-03-04-11447/20 dana 13.07.2020. godine, kojom se poništava postupak javne nabavke usluga servisiranja vozila IVECO – LOT 3 i Obavještenje o nabavci broj 83-1-2-287-3-90/20 od 21.05.2020. godine u dijelu koji se odnosi na LOT 3.

Odluka broj i datum gornji je dostavljena ponuđačima koji su dostavili ponude dana 14.07.2020. godine. Na ovu Odluku ponuđač "A.C.I." d.o.o. Sarajevo je izjavio žalbu dana 15.07.2020. godine. Žalitelj u svojoj žalbi navodi da žalbu izjavljuje zbog bitnih povreda Zakona o javnim nabavkama BiH i pogrešno utvrđenog činjeničnog stanja. Žalbu izjavljuje iz razloga što smatra da je njegova ponuda u cjelosti ispunila tražene uslove Tenderskom dokumentacijom i treba biti prihvaćena kao potpuno prihvatljiva, iz razloga što je svoju ponudu dostavio dana 04.06.2020. godine, a za što je dostavio i potvrdu o predaji ponude, te samim time Izjave o ispunjavanju uslova iz člana 45. i 52. Zakona o javnim nabavkama BiH koje su dio ponude izdate dana 22.05.2020. godine ispunjavaju uslov iz Tenderske dokumentacije da nisu starije od 15 dana od dana predaje ponude i da je stoga njegova ponuda potpuna i prihvatljiva,

Nakon ponovnog uvida u ponudu ponuđača "A.C.I." d.o.o. Sarajevo, od strane Komisije je utvrđeno da je ovaj žalbeni navod osnovan te da je odabrani ponuđač dostavio ponudu dana 04.06.2020. godine u kojoj je dostavio Izjave o ispunjavanju uslova iz Zakona o javnim nabavkama BiH izdate 22.05.2020. godine, a koje nisu starije od 15 dana od dana predaje ponude, te da je žalbu ovog ponuđača potrebno usvojiti kao osnovanu i Odluku o poništenju postupka za nabavku usluga servisiranja vozila IVECO – LOT 3 broj 05-03-04-11447/20 od 13.07.2020. godine poništiti te kao najpovoljnijeg ponuđača odabrati ponudu ponuđača "A.C.I." d.o.o. Sarajevo.

Smatram da je Komisija pravilno postupila kada je uzela u obzir gore navedene činjenice i kada je predložila da se žalba ponuđača "A.C.I." d.o.o. Sarajevo usvoji kao osnovana i Odluka broj 05-03-04-11447/20 od 13.07.2020. godine poništi te kao najpovoljniji ponuđač odabere ponuđač "A.C.I." d.o.o. Sarajevo. Iz tih razloga prihvatam prijedlog Komisije i donosim odluku kao u dispozitivu.

#### **PRAVNA POUKA:**

Protiv ove Odluke može se uložiti žalba Ugovornom organu, odnosno KJKP "RAD", u pisanoj formi u roku od 5 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka.

**v.d. DIREKTOR KJKP „RAD“**

**Mirsad Hošić, dipl. ing. maš.**

#### **DOSTAVITI:**

- Ponuđačima;
- a/a